

Presentade la Agenda Friulana 2024 dedicade ae identitât furlane

La edizion numar 48 e je stade realizade in colaborazion cu la ARLeF, che e à intervistât undis furlans che si son afermâts fûr dai confins de Patrie sul lôr rapuart cu la lenghe e la culture furlane

Lant daûr de tradizion, ai 13 di Dicembar dal 2023, di Sante Luzie, e je stade presentade la gnove edizion de *Agenda Friulana*, publicade di Chiandetti Editore dal 1976 indenant.

La edizion 2024, curade di Elisa Mauro, e je stade realizade in colaborazion cu la ARLeF - Agenzie regjonâl pe lenghe furlane che, par analizâ la profunditât dal sens identitari, e à volût intervistâ undis furlans che si son afermâts fûr dai confins de Patrie. Ognidun di lôr al à contât dal so rapuart cu la lenghe e la culture furlane.

La strade segnade de Agenzie midiant di chescj personaçs innomenâts e je chê di un viaç te identitât e tal Friûl, te lenghe e te culture dal teritori, come che al è vignût fûr vie pe presentazion che si è tignude tal Palaç de Regjon di Udin, li che a son intervignûts Pierpaolo Roberti, assessôr aes Autonomiis locâls de Regjon Autonome Friûl-Vignesie Julie; Eros Cisilino, president de ARLeF; Mara Navarria, atlete olimpioniche e ambassadeur dal Friûl-Vignesie Julie; Vito Sutto, referent de Agenda Friulana e Luigi Chiandetti, editôr storic che le à ideade. A presentâ tal detai la edizion numar 48 de Agenda Friulana al è stât il gjornalist Alessio Screm.

L'assessôr Pierpaolo Roberti al à puartât i siei salûts cuntun videomessaç: «Vie pai agns o vin assistût ae presentazion di imprescj gnûfs e diferents par difondi la lenghe furlane. Une vore dispès, al è stât fat midiant des gnovis tecnologjii e di gnûf mûts di comunicâ, par podê jentrâ in contat in maniere strente e direte cui plui zovins o cui furlans che a son a stâ tal forest. Vuê e ven presentade une iniziative diferente, che e cjale al avignî, ma cuntun voli indreçât al passât. La Agenda Friulana 2024 no je dome un mieç par contâ il Friûl cui voi dai siei protagoniscj, ma e je ancje un mût par marcâ lis propriis lidrîs, par ilustrâ, in mò di plui e miôr, un teritori proietât bande l'avignî».

«O vœi ringraziâ ducj chei che a àn decidût di contâsi in chestis pagjinis. Il sintiment di furlanetât une vore personâl e sincîr che lis undis personalitâts che o vin volût fâ partecipâ a cheste iniziative editoriâl a àn testimoniat, al mostre la grande impuartance che par ognidun di lôr a àn lis lidrîs. O ringracii, par vênus volûts, ancje la Chiandetti Editore. La publicazion de Agenda Friulana e je stade une decision pardabon previdente, tal 1976, e ancje vuê, 50 agns dopo, e va indenant a jessi un at di amôr viers il Friûl e i furlans. La

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / e-mail: arlef@caltpr.it

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<<

tutele de lenghe, leade simpri di plui ai gnûfs mieçs che la tecnologjie nus met a disposizion, e à bisugne ancje di imprescj analogjics che nus ricuardin, simpri, di dulà che o vignìn», al à marcât Eros Cisilino, president de ARLeF.

Intes pagjinis de Agenda Friulana, Francesca Bardelli Nonino (influencer de sgnape), Toni Capuozzo (gjornalist), Gloria Clama (chef, za concorinte di MasterChef), Manuela Di Centa (campione olimpiche), Antonello Dose (condutôr dal "Ruggito del coniglio" - Radio Rai 2), Mauro Ferrari (sienziât), Nives Meroi (alpiniste), Mara Navarra (campione olimpiche), Bruno Pizzul (gjornalist), Glauco Venier (musicist), Mary Jane (influencer e youtuber) a contin il lôr leam personâl cu la Patrie e cu la lenghe furlane, il sintîsi furlans ancje cuant che, in cualchi câs, si è lontans dal Friûl. Intes lôr peraulis o cjatin i ricuarts, lis esperiencis e i moments di vite.

A non di ducj e je intervignude Mara Navarra, atlete olimpiche e ambassadore dal Friûl-Vignesie Julie, che par vie di un impegn federâl a Rome e à puartât i siei salûts e il so messaç cuntun video: «O soi une atlete che e vistis la maie Azzurra, ma o soi soiredut furlane: une furlanetât che o puarti ator pal mont, cirint di comunicâle in ogni so aspjet».

«La gnove Agenda Friulana si presente come un condensât di vitalitât e rubrichis, che dome la pagjine scrite e rive a valorizâ ad implen. A sono 30 i autôrs che, cun intervents prezîôs, a dan vite ae edizion 2024, zontantsi ai tancj che a son vignûts prime di lôr in chescj 48 agns di storie. O soi content che chest an e sedi propit la ARLeF, che e lavore pe difese de identitât e de lenghe furlane, a contribuî al impegn storic e culturâl che Chiandetti Editore e puarte indenant dal 1976 incà», al à declarât Luigi Chiandetti.

Il progjet Agenda Friulana 2024 al è stât patrocinât de ARLeF, de Confartigianato Udine e dal Ent Friûl tal Mont e al è stât metût in vore cu la colaborazion di Club per l'Unesco di Udin.

Udin, ai 13 di Dicembar dal 2023

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / e-mail: arlef@caltpr.it

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<<

I Autôrs de Agenda Friulana 2024

Fra lis vôs inteletuâls che a àn contribuît ae edizion 2024 de Agenda Friulana, cu lis lôr rubrichis:

Angelo Floramo, Martina Delpiccolo, Michela Contessi, Diego Compagnoni, Paolo Corelli, Giuseppe Muscio, Sara Peressutti e Christian Simonetti.

Contribûts:

Associazione Nazionâl Arlevadôrs Bovins de Raze Pezzata Rossa Italiana, Associazione Gli Stellaniani, Luciano Borin, Antonella Gallarotti, Franca Mian, Igino Piutti, Odorico Serena, Vito Sutto, Paola Treppo, Lionello Baruzzini, Flaviano Bosco, Angela Caporale, Marisa Gregoris, Giuseppe Longo, Gottardo Mitri, Piero Monassi, Giovanni Puppatti, Tiziana Ribezzi, Franco Romanin, Pietro Zandigiacomo. Tancj ancje i poetis.

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / **e-mail: arlef@caltpr.it**

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<